

3 Wäö

cadota ante nänö tömanta yewæmongainta

Gayo ingante Wäö nänö waa apænedö

¹ Gayo botö në waadebi ëñëmi. Bitö botö në nö waadete pönëmi iñömite botö në aabo Picæmo mini änömo ínte, Acæbiimpa, ante yewæmömopa.

² Botö në waadebi ëñëmi. Tömëmi önöwoca incæ waa ëwocate quëwëmi baï bitö baonga adobaï waa ëñabi quëwencæbiimpa, äninquayæ, Bitö quëwenguïnö ante bitö cöwë waa poni quëwencæbiimpa, ämopa. ³ Mönö töniñadäni pancadäniya iñömö pöninque, Gayo iñömö Itota Codito nö poni nänö angaïnö ante cöwë nö pönëninquayæ cæcampä, ante apænedänitapa. Ayæ, Gayo ñöwo godömenque nöinö cægonte baï quëwengä ingampa, ante apænedäni ëñëninquayæ nanguï poni totabopa. ⁴ Botö wëmini baï imini iminitedö ante, Itota Codito nö poni nänö angaïnö baï tömënäni nöinö cægonte baï quëwënäni ïnänipa, ante apænedäni ëñëninquayæ botö godömenque watapæ toquinque impa.

⁵ Botö në waadebi ëñëmi. Mönö töniñadäni incæ bitö në tæcæ adinäni ïnäni incæte bitö quïnö tömënäni beyæ ante cædinque cöwë pönëninquayæ aedämö cæbi imipa. ⁶ Codito ingante godongämæ möni pönencabo iñömönite mänïnäni wæætë, Gayo në waadete pönengä ingampa, ante mönitö imönite apænedäni ëñentamönipa. Tömënäni Wængonguï ingante në cædäni ïnänipa cæbii. Bitö

tömänäni ïnänite godö cæbi æninqe gomonga godäni ïnique waa ïmaimp. ⁷ Edæ tömänäni ïñömö Itota ëmöwo beyænque tao godänitapa. Mänömaï goyonänite në ëñenämaï cädäni dicæ pönönäni ænänitawogaa. ⁸ Mänömaï beyæ mönü Wængongü ñöingä nänö angainö ante tömänäni tönö godongämæ cæcæimp, ante cædinque mänänäni baï ïnäni mönö onco pönäni adinque mönö, Pö guiite cænte möedäni, anguenämö ïmomba.

Diotedepeto tönö Deëmetedio

⁹ Codito ingante mïni pönencabo ïñömïnite botö münitö ïmïnite do yewæmontabopa. Incæte Diotedepeto ïñömö, Botö në awënë ïmopa, ante në cæinëhongä inte mönitö ïmönite Baa änique nänënë cæcæ ingampa. ¹⁰ Minitö weca botö pönique tömengä quïnö nänö cædö ante edonque poni apænebo ëñencæmïnimpa. Edæ tömengä mönitö ïmönitedö ante önonquedö ante wënæ wënæ apænecampa. Ayæ mäninö ante wii eyepæ impa, ante pönente ingä ïnique tömengä edæ mönö tönïnadäni pönäni adinque, Pö guiite cænte möedäni, änämaï ingampa töö. Wadäni guiquenë, Pö guiite cænte möedäni, ancæte ante në cæinënäni ïnänite tömengä adobaï, Cädämaï ïedäni, ante wææ angä ingampa. Ayæ mänömaï cädäni adinque tömengä, Mönitö Codito ingante möni godongämæ pönencabo ïñömönite münitö gobäewedäni, angampa cæbii.

¹¹ Botö në waadebi ëñëmi. Quïnö wënæ wënæ ï adinque bitö adodö cädämaï ie. Wæætë quïnö waa ï adinque adodö cæe. Quïnö waa impa,

ante nē cædāni iñömö Wængonguü wënäni ïnänipa. Quïnö wënæ wënæ impa, ante nē cædāni guiquenë Wængonguü ingante adämäi ïnänipa.

¹² Deëmetedio ingantedö ante tömänäni waa apænedänipa. Wængonguü nöingä nänö quëwënö bai Deëmetedio adobaï nöinö cæte quëwënongä ingampa, ante acæimpä. Mönitö adobaï tömengä ingante ante waa apænemöni ïmönipa. Ayæ tömengä ingantedö mönö änönö nö impa, ante do ëñemipa.

Wäö ïnque nänö yewæmongaïnö

¹³ Minitö ïmïnite godömenque nanguü äñente wæbo incæ yewæmöingö inte wentamömæ yewæmöimæ inte wii yewæmöinémopa. ¹⁴ Wæætë bitö weca wantæ iñö pöninque botö aïnëmo ïmopa. Pomo ate botö bitö tönö awincadö awinca adinque apænecæmönaimpa.

¹⁵ Bitö piyænë cæte quëwencæbiimpa, ämopa. Mönö æmigoidi iñömö quëwënäni bitö ïmite, Waa quëwencæbiimpa, ante apænedänimpa. Mönö æmigoidi bitö weca quëwënäni tömänäni ïnänite wæætë bitö adocanque ingante adocanque ingante apænedinqe, Waa quëwencæbiimpa, ante botö beyæ apænebi ëñencædänimpa, ämopa. Mäninque ante yewæmömopa.

Wængongui nänö Apænegaïnö New Testament in Waorani (EC:auc:Waorani)

copyright © 2009 Wycliffe Bible Translators, Inc.

Language: Waorani

Translation by: Wycliffe Bible Translators, Inc.

Waorani [auc], Ecuador

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Waorani

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

v

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

9bedab5a-39ff-5163-a35b-8056cbbe8690